

انهض فقد أثختني الجراح | الشيخ محمد خيرى سلسلة فى قصصهم عبرة

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له
واشهد ان محمدا عبده ورسوله. وبعد فاسأل الله سبحانه وتعالى - [00:00:00](#)
ان يجعل هذا العود حميدا احمدا واسأل الله سبحانه وتعالى ان يوفقني واياكم لبركة العلم النافع واسأله ان يسد لنا جميعا للعمل
الصالح المقبول هنيئا لكم انكم ما زلت على الدرب - [00:00:19](#)
مستمعين منتزعين التحليق مع قدوتنا الصحابة المباركين رضي الله عنهم اليوم ان شاء الله هنتكلم عن احد الصحابة هذا الصحابي
له جميل في اعناقنا جميعا لاسباب كثيرة منها انه حارس النبي صلى الله عليه وسلم الشخصي - [00:00:39](#)
عارف كده انك في ناس دلوقتي في الوقت المعاصر يقولوا ان دول حماية الرئيس حماية الملك حماية الامير فعقدة كان في
حماية النبي صلى الله عليه وسلم. دائما كان - [00:01:04](#)
حرس ذاتي شخصي لرسول الله صلى الله عليه وسلم في احلك المواقف كان دايمًا يكون موجود. هو ده اللي القوات الخاصة فعلا
للنبي صلى الله عليه وسلم. بنلاقه في الاحزاب - [00:01:22](#)
وهما متحزين والنبي صلى الله عليه وسلم والصحابة متحصرين في المدينة يجي عند قبة النبي ويكون هو الحرس الشخصي للنبي
صلى الله عليه وسلم هذا الشخصية كان فعلا بالنهار فارس بالنهار راهب بالليل. فده ممن يطلق عليهم - [00:01:38](#)
قرصان بالنهار رهبان بالليل. بالنهار يا عارف كويس قوي ايه الرسالة اللي هو شغال لها. وبالليل عارف خلواته كويس قوي هذا
الصحابي الجليل يعني آآ اخذ من اسمه نصيبا آآ بل انصبة - [00:02:03](#)
وهو من الانصار عائشة تقول رضي الله عنه ثلاثة من الانصار لم يكن احد يسمو عليهم فضلا. دول الثلاثة الكبار اوي سعد بن معاذ
واسيد بن خضير وثالثهم الرجل المبارك - [00:02:25](#)
حديثنا هذا المساء او بداية هذا المساء وهو عباد ابن بشر عباد ابن بش كان عابدا وكان له ضوء خاص في يوم من الايام كان جالس
مع النبي صلى الله عليه وسلم وبيزور النبي صلى الله عليه وسلم وقاعد معه هو ومين؟ وسيد ابن خضير - [00:02:42](#)
تحدث عند النبي صلى الله عليه وسلم ليلة حتى ذهب من الليل ساعة يعني خلاص الليل اشتد عليهم في ليلة شديدة الظلمة ما فيش
قمر ما فيش اي حاجة. واما نيحي نقول في الاوقات ديت بالليل يعني بقى ما فيش مصابيح ما فيش قناديل ما فيش آآ ضياء. لان
بعض الناس بيبقى فاكر الدنيا لا - [00:03:04](#)
يعني انت سبحان الله النهاردة اللي بيبقى ماشي على الطريق الصحراوي وفيه يعني مكان ما ما فيش آآ نور ولا على الاوسطى والنور
قاطع. بيبقى بقى يقول لك ياه والواحد مش عارف ايه والكلام ده. هم سبحان الله كانت حاجتهم مختلفة تماما - [00:03:25](#)
فا اسيد رضي الله عنه وآآ عباد كانوا عند النبي صلى الله عليه وسلم. شوفوا المجالس الجميلة. والله يا جماعة الناس ديت. يا جماعة
انا لو قعدت مع مع اتنين من العظماء في الام - [00:03:45](#)
لو قعدت مسلا مع ماهر المعقلي وقعدت مع حد من المشايخ الكبار وقعدت كده جلسة ولا اتنين بقول لكم انا حاجة كبيرة قوي واكون
مبسوط قوي واخذ طاقة يعني تحفيزية عالية. دول جالسين مع النبي صلى الله عليه وسلم. جلسة. كنتم فين؟ ازواجهم كده يسألوهم

انتم كنتم فين كده؟ والله - 00:03:58

كنا مع النبي صلى الله عليه وسلم بعد العشاء قعدنا معهم ايه الجمال ده المهم خرجوا في ساعة من الليل شديدة الظلمة فلما خرج من عند النبي صلى الله عليه وسلم ينقلبان الى - 00:04:18

اهلهم وكل واحد معه عصاية فاضاءت عصا عباد ابن بشر سبحان الله! كرامة لقريهم من رسول الله صلى الله عليه وسلم فلما سبحان الله اضاءت حتى فمشي في ضوءها. وتحس يا جماعة ان الناس ديت يعني الناس ديت تخصص كرامة - 00:04:32

الناس دي تخصص كرامة مش ينزعج ويحس ان في حاجة جديدة وده وبتاع لا واخدين عليها. واخدين عليها وهو مجتمع الانسان عم كان الله ما بيكون حاله متصل بالله سبحانه وتعالى آآ الطريق بيبقى مفتوح - 00:04:57

يبقى الناس شايفاه زحمة وهو طريقه سالك التوفيق سبحان الله في ناس بتكون معجونة فيه نسأل الله ان نكون منهم واضاءت عصا العباد رضي الله عنه فمشي في ضوءها حتى اذا افتقرت بهم الطرق. وخلص الطريق هيفتقرق ده هياخد يمين وده هياخد يسار -

00:05:13

اضاءت بالآخر عصاه فمشي كل واحد منهما في ضوءه حتى بلغ اهله الله اكبر سبحان الله فهو بشر ايضاً يعني مبشر بمسل هذه

الاشياء. عباد ابن بشر اسم وضيع اسمه مشرق في تاريخ الدعوة المحمدية - 00:05:35

آآ ان طردته بين العباد وجدته. تنشده بين العباد تلاقيه. وجدته التقي النقي قوام الليل باعتزاء القرآن. عودة تلاقيه بالليل هو استاز ورئيس قسم وان طلبته بين الابطال لا والله انا ما ليش انا موضوع فرسان بالنهار انا لا انا بالليل بس. انا بالليل اعيط على حالي انا

بالليل اسمعك اواخر الزمر - 00:05:59

وامتعت بكاف هديك حنة في الاعراف لكن تقول لي في عمل الصبح لا والله انا ما ليش في القصة دي انا ما بحبش كون الليل بحب

التكليف يكون على تمتناشر كده والدنيا هادية - 00:06:21

انت تعبد الله بما تريد ام بما يريد هو انت بتعبد ربنا بتشوف اللزة فين وخلص انت ماشي ورا اللزة ولا ورا عبادة الله سبحانه وتعالى

فهو لأ مختلف تماما بين العباد تلاقيه بالليل خلاص هو نجم من نجوم الليل. فاذا كان من في النهار - 00:06:31

اذا كانت النهار خلاص فارس من فرسان النهار. عشان كده كان آآ ازن ابن سيرين اه كان ابن سيرين كان بكاء بالليل بساما تغار اه

سبحان الله! تلاقيه بالنهار كده قاعد مبتسم وقاليش وبيهرز والدنيا جميلة قوي - 00:06:51

وتلاقيه بالليل ها سبحان الله سكون الليل. ياخذك كده في حنة تانية خالص هي وده اللي بقى الناس يا جماعة المتزنة بقى نفسيا وهو

سبحان الله هو الضغوط النفسية احد اسبابها ايه - 00:07:10

ان انا بالليل مش حاطط الشاحن انت بتتوتر وانت ماشي بالموبايل بتاعك على الطريق وتلاقي ان الاشارة مش معك الشاحن وآآ

خلص الشحن خلاص بينتهي يعني فالبطارية بتخلص والرصيد خلصان تبدأ تتوتر صح؟ هي روحك كده برضه - 00:07:23

طول ما الشحن بيضعف ولما التوتر ايه؟ يزيد جدا يعني فسبحان الله ان طلبته بالليل وجدت. طب لو طلبناه بالنهار بقى في مهام

بقى المهام العملية والحركية لا في برضه سبحان الله - 00:07:42

تلاقوه بقى ايه تجدوه الكمي الحمي. راجل ما فيش هزار شجاع محامي. خواض المعارك اعلاء لكلمة الله. احنا قلنا قوام قواض.

عشان كده يا جماعة الدكتور سيد العرفاني كان موفق لما سمى الكتاب بتاعه الجميل - 00:08:01

فرسان بالنهار فلما خلصوا راح عمل كده قصدي يا عم عمل كتاب رحبان الليل عمل كتاب فرسان بالنهار قال لك ما هو لازم المنهجية

تكتمل فجاب لك بقى الناس في المشهدين - 00:08:17

عشان تفتح الصورة وتقسمها نصين. بص على الشاشة اللي زي ما الجزيرة كده والقنوات الاخبارية احيانا يقسمها يقسم لك الشاشة نصين. اقسام الشاشة نصين نشوفهم هنا بالليل عاملين ازاى؟ نشوفهم بالنهار عاملين ازاى؟ لان دايم اللي في القرآن بيزكر اولاً. صح؟

دايم اللي حضوره الاول - 00:08:29

قم الليل لازم يظهر الاول. ليه؟ ان لك في النهار. فالليل بيبدا الاول. فانا كمؤمن آآ انا ليه اليومي بيبدا بالليل؟ مش بيبدا بالنهار لو

بحسب عنه بين الولاية رأيته القوي المؤتمن - 00:08:48

على اموال المسلمين يا جماعة في ناس كده اللي هم ايه آ مش عاوز اقول سوبر هيرو بس هم حاجة اعلى من كده لان لما نشبههم بالالفاظ دي بنقلهم. لان هم قبل اكثر من كده يعني لفز صح - 00:09:03

دي لوحدها ده اعلى بكتير جدا من الالفاظ دي حتى في يوم من الايام قالت عائشة عنهم كما قلت لكم ثلاثة من الانصار لم يكن احد يسمو عليهم فضلا. كلهم من بني عبدالاشهل. سعد بن معاذ واسيف وعباد - 00:09:14

وعباد فيه ميزة عنهم من هو اسلم قبل الاثنين دول قبل اسلام الكبار دول هو كان ايه؟ رقم واحد عباس ده تلاقيه على طول دايم النبي صلى الله عليه وسلم يضعه فين - 00:09:33

في منزلة الحراسة يطلب منه انه يحرسه في اه العريش بتاع النبي صلى الله عليه وسلم يوم الاحزاب وانتم شفتهم بقى الاحزاب لما اتكلما في السراج المنير كانت عاملة ازاي؟ هو كان - 00:09:46

المسيطر في المشهد المهام الخاصة كعب بن الاشرف عاوزين ايه؟ نقتله. راجل يهودي وقاعد عمال يتكلم في عرض النبي صلى الله عليه وسلم ويخون الدنيا والكلام ده كله. انا لها يا رسول الله - 00:10:00

فكان من ضمن الفريق مهم قوي يا جماعة ان يكون كده انت عارف الايه السهام بتاعة الكنانة بتاعتك في ناس يا جماعة طول ما انت جاهز الامة تستعملك يعني احنا دلوقتي لو بنبني - 00:10:12

لو احنا دلوقتي بنبني قصور الطوبة الجاهزة هنستعملها صح لو في طوبة انا بنا دلوقتي وبني سور قدام الجنيبة بتاعتي بنبي بالسور المتكسر ولا السور السليم الاصل طوب السليم ولا المتكسر؟ الاصل بعمل ايه؟ بجيب الايه؟ الطوب السليم وقاعد شغال عليه - 00:10:26

بالطوب السليم. طب اما الاقي الطوبة كده ايه فيها نتوء بارز كده في حطة طالعة شوية بروح جايب ساعات بقى انتم عارفين كلمة المسطرين دي ولا ايه؟ المهم باجيب حطة البتاع الحديدية اللي بيستعملها الراجل البنا ده ويروح شاقطها كده - 00:10:44

خلاص يعمل لها تهذيب يظبطها. احيانا انت الشيخ يروح واخذك حطة كده يقول لك ايه انت بس في حطة كده نتوء عاوزين نزيطه. ليه؟ عشان انت تحط التوبة ما انت مش هينفع ندخلك وانت عندك ايه؟ الحطة دي مش هتعيدي من الباب - 00:10:59

واحيانا بتكون ان الطوبة ديت صغيرة فيها تجويف. حط فيه اسمنت. يكون الطوبة ديت ضعيفة. فيحاول بقدر الامكان يشوف حد تاني يسنده هكزا انت اذا اردت ان يستعملك البنا ده هو الاسلام. ان اردت ان يستعملك الله سبحانه وتعالى في خدمة الاسلام لازم

تكون جاهز - 00:11:13

لازم تكون جاهز. في يوم من الايام كنت اداعب الشباب فبقول لهم لو امريكا سقطت. مين اللي هيدبر العلم فبعض الناس قال لك بقى اليابان والناس قالوا مش عارف بريطانيا وفيه ناس قالوا الصين وفيه ناس قالوا كزا وفيه ناس قالوا كزا. لأ هو مين اللي هيدبر

العالم؟ الاجابة الصحيحة اللي جاهز - 00:11:33

اللي جاز والمستعد هو ده اللي ايه اللي هيسد الفراغ فدايم اللي جاهز فانت عشان كده بعض الناس يقول لك ايه انا ايه دوري في خدمة كزا انا ممكن اخدم الاسلام في ايه؟ اجهز - 00:11:50

اجهز وهتلاقي نفسك ايه؟ سبحان الله! لذل دايم يا جماعة التخصص التخصص في شئ ما بس لدين الله مش تتخصص كده

وخلاص تتخصص وقدامك الرسالة دا اه بيفرق كثير بيفرق كثير جدا. يعني انت النهاردة بتدرس اقتصاد - 00:12:03

اما تكون قوي في الاقتصاد تقدر تدي اطروحة جميلة جدا لخدمة الاقتصاد الاسلامي لكن اه طالع مش هقول طالع بايه وانت طالع باللي انت عارفه وانا عارفه هتختم ايه؟ ده انت اصلا مش عارف الاقتصاد ده يعني هو بيقول ايه - 00:12:23

نفس الكلام اما تكوني حضرتك فاهمة الاحياء كويس قوي قوي واجي اقول لحضرتك عاوزين منتج اه للاطفال سن ابتدائي ودون ابتدائي في الروضة نعمل لهم منتج احياء يربطهم بالرب جل وعلا - 00:12:40

لو حضرتك مش قوية قوي اصلا في العلم ده مش هتعرفي تحطي الحاجات الجميلة دي خلاص انت اتحسب عليك الدراسة. يعني

انت شئت ام ابيت انت دخلت طب دخلت هندسة دخلت ايا كان انت اتحسبت عليك اللي انت فيه. انا تجارة انا اداب انجليزي انا اداب - 00:12:54

روسي انت اتحسبت عليك التلات اربع سنين دي. حاول تبقى قوي لان انا عندي كتاب اسمه التزوق. عندي كتاب اسمه الصديق. عاوز اترجمه للروسية. اما الاقي نطق اداب روسي وقوي لقيت واحد اهو ممكن يخدم دين وتقدر تخدم دينك بقى. تيجي تقول يا جماعة انا عندي ساعات تطوع ممكن ابرلها كل يوم جمعة - 00:13:11

واحد منكم الحاجات دي اخذ منكم الكتاب ده واترجمه وان شاء الله ينفع الياه؟ المسلمين في هذا المكان. ازا لما انا كنت قوي في مجالي الموضوع فرق. اكون انا قوي في البرمجة. اقدر اعمل تطبيقات اه المصحف تمسكه في بايدك اعمل حاجات فيها تدارس - 00:13:30

اعمل مش عارف ايه اما اكون قوي في التسويق. اقدر اسوق الفكرة. والاسلام مليان افكار. شخصية زي عباد ابن بشر النهاردة ليه ما يبقاش في منتج تطبيقي كده يكون المنتج ده فيه مجموعة من الالعاب. الالعاب ديت خلاصتها يخلص اللعبة الطالب او يخلص - 00:13:49

يعني المسابقة ديت يكون اتعلم آ خمس ست عشر عشرين ثلاثين شخصية من الشخصيات الصحابة في صورة مختلفة تماما لكن ده عمره ما حد هيعرف يوصله الا انسان عايش الرسالة - 00:14:06

وبيحاول بقدر امكانه يدوس في هذا الياه؟ التخصص. طبعا عايش الرسالة يبقى مش هيعمل حاجة غلط. مش اخت تقول والله انا داخله الطب ده عشان الرسالة وقاعدة ليه النار آ مختلطة وقاعدة ليل نهار تهزر مع زميلها في السيكنشن وقاعدة ليل نهار عاملة لنا جروب جروب خاص وقاعدة يتبادلوا كل حاجة ويقول لك ايه - 00:14:21

والله هي لله هي الله اعلان الطبي ولا للجاه الله يعينك فترجع العباد رضي الله عنه فعباد ده كان شخصية فريدة جدا آ لما آ ربنا سبحانه وتعالى سدوا واجتمع مع الداعية المكي الالمعي - 00:14:41

الذي ما رأى محمد صلى الله عليه وسلم احسن لمة منه كان موسى بن عوير ده يمشي يا جماعة في الشارع المكي كله يسلم نمر اللي قاعد يقف واللي واقف يدي تعظيم السلام والبنات اللي ماشية مش عارف ايه تبص لمصعب مصعب معدي. مصعب ده كان فتى الاحلام - 00:15:05

مصعب ده ما كانش حد بيقدر يعني عارفين كده اما يقول لك مش هتقدر تغمض عينك هو كان مصعب كده يمشي في الشارع ما حدش. مصعب ده كان بيقد في مجلس بني عبد - 00:15:23

مجلس عمر بني عبد الدار ده صاحب القرارات زي كده المجالس التشريعية دلوقتي والكونجرس مجلس الشعب والحاجات دي كلها هو كان ده مجلس بني عبد الدار ما كنش حد ينفع - 00:15:33

يدخلوا الا سن معين ومن عائلات معين. مصعب ده كان بيدخله وهو سنه صغير ليه؟ لان مصعب بن عمير. مصعب ده حاجة ضخمة جدا فالمصعب ده كان لما بيمشي في الشارع كان والدته بتجيب له العطر من دولة والحزاء من دولة. حزاء حضرمل - 00:15:43

بيطلع يوم انت النهاردة اللي بيحب من من مكان في القاهرة ولا مش عارف فين يعني بيبقى الدنيا مكسرة الدنيا يعني. ولو جاب عطر يقول لك بس خلاص كل يوم - 00:16:01

وانا بقى انا جايب العطر ده كان بيجي من دول تانية وكان والدته بتحط له الفلاوزك كده يقوم من النوم يلاقي الفراوزة الجنب منه. ليه ما هو مصعب ما يتعبش؟ فكان مصعب ده شخصية آ مترفة جدا فريد - 00:16:11

مصعب آ رضي الله عنه اسلم واستعمله النبي صلى الله عليه وسلم في المدينة ليكون السفير جميل قوي انك تكون الجسر اللي كله ايه؟ يعدي من خالك فمصعب ابن عمير - 00:16:25

آ قابل مين؟ قابل عباد ابن بشر. ومصعب ما ينفعش يقابل حد ويسيبه مش هقول لك والله انا عجبني جدا اسمه واسمه كان جميل قوي واتصورت معه كده صورة كده خفيفة وخذنا ارقام بعض وساكنين فين وبتاع حبيننا بعض كده فين؟ في العربية مش في الله

بقي لانيك انت - 00:16:42

طيب حاول تمشي معه لان عربيته حلوة. وانت عارف ان هو هياخدك ويعزمك في المطاعم. وانت عارف ان هو بقي في جامعة معينة فانت حابب الجامعة ديت ووالدته ولا بنت عمته - 00:16:57

طلعت ممسلة مشهورة جدا وخاله راجل كبير جدا في جهاز ما فاحيانا الحاجات دي بتلخبط الدنيا معنا مصعب بن عمير ودي كانت من اللفتات الجميلة جدا في القائد المرابي محمد صلى الله عليه وسلم. لما ارسل واحد ارسل واحد شبعان الحاجات دي ما تفرقش معه - 00:17:07

بصوا يا جماعة اما يكون في واحد غني ويفتقر يعني واحد غني وافتقر هو شبعان ما عندوش اللي العقل يعني تلاقي واحد زي كده مطيور كده يشوف واحد يقول لك ياه ماسك موبايل جميل اوي - 00:17:28

والثاني يقول لك ياه شفنا تلاجة حاجة ايه ده هو في عروسة بتجيب الحاجات دي هو تلاقي هو فقير بقي متوسط الحال بس شبعان فيا جماعة جميل قوي انك تعيش شعور الشبعان ده - 00:17:42

انا فاكر في يوم من الايام انا ما كنتش واخذ بالي بس اقول لكم يعني يعني شيء يذكرك يعني. انا خلصت اتورطت لازم اقول القصة عشان قلت فاكر دي هو انت في اه اخ كده سري جدا - 00:17:58

وانا كنت راكب معه العربية ورايحين آآ خطبة الجمعة وانا نزلت من العربية وخلص. والحمد لله عدى شهر اتنين ثلاثة اربعة هو خد قرار بالاستقامة وانه يبدأ يكمل في المسجد. ففي يوم من الايام - 00:18:13

ايام في رمضان قال لي انت عارف من الحاجات اللي خلصت انا اخذ قرار الاستقامة ايه فانا هيقلول لي المسجد وخلصت صلاة الجمعة والخطب والكلام ده قال لي من الحاجات اللي خلصت ان انا اعيد ثاني كل الحسابات - 00:18:30

هو عربيته كانت غالية قوي الكلام ده في الفين وسبعة كده الفين وتمانية وكانت فريدة جدا في المحافظة عندنا يعني فيقول انا شايفك وانت نازل من العربية قفلتها كده بطرايطيف صوابك بطريقة معينة حسيت ان احنا راكبين فيت - 00:18:48

فقلت هو عاوز يحتقرني ولا هو ده طبعي؟ فركزت معك لقيت ان الموضوع طبعي فيقول الموضوع ده بعث لي رسالة عالية قوي قوي لان انا كنت حاسس ان انا بقول بقي بعد ما التزم يعني ان هو كان ابو بكر الصديق مصعب ابن عمير الكل لازم ايه - 00:19:05

ينتبه فيقول لي انا كنت شايف الحياة كلها كده حواليا فلما قعدت مع مجموعة من الشباب لاهل الاستقامة فلقيت ان الموضوع ده هم مش شايفينه فحسيت قلت تمانين هي الناس دي شايفة ايه - 00:19:22

فبدأت من هنا بدأ قلت يعني شف سبحان الله! انت قفلت باب العربية وباب قلبه افتتح فاحيانا في بعض الناس بقي يعني وممكن احنا بنعمل كده واحنا مش واخدين بالناس يعني وعلى فكرة ممكن ما اكونش انا عملت كده آآ يعني هي ممكن تكون جاية قدر ان هو شافها كده لكن انا ما كنتش قاصد حاجة يعني - 00:19:33

في بعض الناس ممكن يدنوا يعني بقي يقول لك انا حددت الاستقامة قوي. لآ انت حببت عربية الشيخ انت حببت القعدة. احيانا ان انت تكوني حبيتي الاخت اللي هي ايه؟ لان هي ما شاء الله يعني يجي لك ناس احنا عاوزين نحفظ قرآن يا شيخ وبتاع - 00:19:50

ونفسنا بقي ربنا يمن علينا بالحفظ والكلام ده انت ما شاء الله طيب انت ساكن فين؟ انا والله ساكن اه في حي حمادة الشعبي طيب ربنا يعينك ويسددك انت خريج ايه؟ انا خريج خدمة اجتماعية آآ كولا جبور. طيب ربنا يعينك وفي اماكن كثير جدا على الت - 00:20:07

انت بتحفظ وربنا يعينك تلاقي بقي بعده على طول خلاص بقي. جا لك الاخ آآ حسين حسين ده راجل اقتصاد اسلامي من جامعة امريكية او واخذ هندسة وجامعة امريكية وساكن مش عارف فين بتقول له بص انا والله هفضي لك - 00:20:26

وانا برضو سبحان الله ما احنا يعني انا طالما جاءك يسعى لآب ان انا اعطيك وقت مشكلة الحاجات دي بتدمر بتدمر حسين وتدمر الشيخ بتاع حسين وتدمر الاقتصاد وتدمر حاجات كثير بقي واننا عايشين في الوهم - 00:20:45

الوهم ده بنعيشه في فترة كبيرة قوي ان احنا ايه هي لله؟ هي لله. طب والناس الفقراء دول بص يعني ان شاء الله هيخشوا الجنة معنا بازن الله. يعني بازن الله اما نخش هنشفي عليهم نفتح لهم الباب في الآخر - [00:21:04](#)

احياناً بدون ما حد يسمعنا يعني طبعا ما اقصده السامعين لان ما فيش حد بيعمل كده ولا حد منكم شاف كده ان شاء الله. لكن احنا بنتكلم على حاجات احياناً بنسمع عنها من خارج البلاد - [00:21:18](#)

في بعض الناس بيقعوا في الحاجات دي فعباد ابن بشر لما قابل مصعب وعباد برضو من سادات الدنيا اصل مصعب شعبه يعني ايه شعبان ودي معنى مهم قوي انك دايماً تربى - [00:21:28](#)

نفسك على خلق الشيع خلق الشيع ده بيحيي اما قدري انك تكون فعلاً مريت على الحاجات دي او يجي بتدريب الانسان على غنى الناس بس ولزلك احد الحاجات اللي بتعلي قوي السقف ده لا تمدن عينيك. مش طول ما انت ماشي ياه على الرخام ده شف يا اخي السور بتاعهم جميل قوي تحفة - [00:21:41](#)

كده وينزل ويصوت وبعدين وهو نازل وبيصور يلاقي عربية معدية يا على لونها هي نزلت انت حياتك ليه ضايعة كده ده محمد اللي ربنا شرح صدره قال له لا تمدن عينيك. لان مش هتقدر تقاوم لان ربنا فطر الدنيا ان هي زينة - [00:22:01](#)

هو فطرها تجيبك طب الحل ما تركزش لو ركزت تنوته وتشتت فمهم دايماً كده تدخل يعني ما تخدش بالك من الحاجات دي والحاجات اللي انا بقولها دي ما يحسش بها الا انسان - [00:22:18](#)

كان ثري وقاعد في وسط فريق زي كده او انسان فقير بس قاعد يبص للي حواليه يحس فعلاً الموضوع ده قد ايه بيخسره كتير وبيرهقه كتير. غير بقى الضغوطات النفسية اللي ليل نهار الناس بتعيش فيها - [00:22:38](#)

اجتمع مع مصحف ابن امير عباد اول ما شافه كده على طول اواصه للايمان ضربك مع بعضها في الخلط. حبوا بعض اوي سبحان الله في ناس كده بيحييك بالايه؟ باللقطة - [00:22:54](#)

استمع الى مصعب وهو يرتل القرآن بصوته الفضي الدافئ ونظرتة الشدية ونبرة مصعب اسرة فشغت بكلام بكلام الله سبحانه وتعالى. قال لك لا الكلام ده دخل سويداء الفؤاد فجعل شغله الشاغل - [00:23:07](#)

ان لازم اكون زي الشخص ده فبدأ يردد القرآن ليل نهار بيحل هو ترحاله بعدما اسلم درجة عرف بين الصحابة بالامام وصديق القرآن بقى معروف اسمه صاحب القرآن. انت معروف وسط زميلك بايه - [00:23:26](#)

ايه اللي عارفينك بايه في واحد معروف ان هو آآ سبحان الله مسئول السعادة في اي اجتماع للاخوة والاخوات. آآ اقصده يعني الاخوة هو مسئول والاخوات هي مسئولة فهو مسئول للسعادة - [00:23:42](#)

في واحد كده يقول لك سبحان الله! هو فلان موجود؟ اه بس خلاص ما تقلقش في ناس كده يا جماعة مصدر الدعم والامان يقول لك طالما هو معنا احنا ما نقلقش ان شاء الله. في ناس بتبقى معروفة بكده. انت معروف بايه - [00:23:57](#)

وفي ناس تانية معروفة هيوتزني شف اول ما هيحيي هيقول انتم ما قتلوليش ليه؟ وليه جيتوا بدري؟ ومين اللي فتح النار؟ ومين اللي قدم الفزدق قبل اللوز؟ ومين اللي حط البيبس قبل الايه؟ الفقع - [00:24:09](#)

الله يعينك ومش شرط يكون نمطه هو اللي عامل كده احياناً بيكون حساء اللي يعني اللي احنا بنسميه آآ عرفا اسمه عنده حساسية وحقيقة عنده سائد صمت لان الحساس ده محتاج يزيبط ايه؟ قلبه - [00:24:22](#)

في يوم من الايام النبي صلى الله عليه وسلم كان يتجهجد وفي بيت عائشة وبيت عائشة ملاصق للمسجد فسمع النبي صوت عباد ابن بشر وهو يقرأ القرآن رطباً ندياً. مين اللي قال لك اقرأ القرآن دلوقتي؟ لا ما فيش - [00:24:43](#)

انا التربية الذاتية عندي عالية كده يا جماعة جمال فوق الجمال انك تربى ابنك انك تصحى من النوم كده تلاقيه ماسك المصحف بيقرأ ورده حاجة من تحف الدنيا انك تصحى بعد المغرب كده تلاقي بتتك بعد ما صلت المغرب وصلت السنة - [00:24:58](#)

بتصلي ركعتين فتقول لها بتصلي ركعتين ليه؟ والله يا ماما ما فيش يعني انا حبيت ان انا اتطوع كده ايه انا عارفة ان بيني وبين المغرب والعشاء ان الوقت مفتوح للصلاة فقمتم اصلي. من المتعة - [00:25:16](#)

دنيا فمش مستني اصل هو ابي ما قليش اصل الشيخ ما جمعناش اصل مش عارف ايه الكلام ده فمهم قوي ان يكون عندك الروح الزاتية دي الروح الزاتية. يعني من الروح الزاتية انت قاعد دلوقتي - [00:25:26](#)

ما سبحان الله باقي كم على المغرب قال لك باقي عشر دقائق ربع ساعة فبدا ايه نصلي على النبي صلى الله عليه وسلم حتى وصل مسلا ايه؟ تلتميت ربعميت صلاة - [00:25:45](#)

هو بيعمل كده ليه؟ اصل لقيت بوست كده بيقول كده لا لا هو حاجة زاتية عاوز يمرض نفسه عاوز يمرن نفسه على هذا المعنى آ مرة كنت راكب مع احد الاخوة الدعاة - [00:25:57](#)

وجايين من القاهرة الكلام كان بعد العصر يعني زي دلوقتي كده فبعد ما ركبنا عشر دقائق كده فاستسمح في شيئا الستسمحكم بس لو في اي استفسار ولا حاجة ممكن في خلال خمس دقائق عشر دقائق نقوله مكانش هنسكت كده نص ساعة عشان اخلص الازكار - [00:26:13](#)

ده ده واحد مركز في الازكار آ كان في اخ من اسبوعين كده باعت لاخوه رسالة كده برضه كان حوالي الساعة ستة. المغرب يوم جمعة فبيقول له انت ايه رأيك في المسألة دي وتقول كده؟ قال له خلصت الازكار؟ قال له لا. قال له خلص الازكار - [00:26:34](#) فجميل قوي ان يكون البعد ده موجود في وجدانا في حياتنا آ كنت ادخل مساجد بعض الفضلاء الاقيه كده كاتب جنب الامام لا تتحدث مع الامام الا بعد الفراغ من ازارك الصلاة - [00:26:51](#)

هو شيخ مشهور جدا فانت تروح تسأله اي شيء فسبني اخلص الازكار ده المعنى ده مهم اوي اوي في واحد يتصل بك انا اقول للشباب لا ما تردش على احد بعد الاذان - [00:27:05](#)

حتى لو انت مسافر او واحد اتصل بك بعد الاذان ما تردش عليه يعني اتصل بك بعد اذان الظهر ما تردش عليه ليه؟ عشان هو يتدرب بعد كده ان الاذان اذن اه. سيب نفسك ربع ساعة ما تجيش ناحية ناحية اللحظة. حتى لو انت مسافر حتى لو انت مسافر. طيب ليه - [00:27:20](#)

انا ادرب نفسي وادربه ممنوع خلص وقت صلاة. الصلاة وقت مقدس. انتهى. انت يعني النهاردة في في المسجد. قصدي في المحاضرة يقول لك بدأت المحاضرة. طب ما هي الصلاة دي ما لهاش كنترول ولا ايه - [00:27:36](#)

يا جماعة جهز قلبك. هيا قلبك فالتبي يتهد ذات ليلة والبيت ملاصق في المسجد فسمع صوت عباد ابن بشر وهو يقرأ القرآن رطباً نديا كما نزل به جبريل على قلب محمد - [00:27:49](#)

فقال يا عائشة هذا صوت عباد ابن بشر قالت نعم يا رسول الله. ايوه طبعا هو صوته قال اللهم اغفر له في رواية اللهم ارحم عباده يا سلام! مش عارف بقى نختم بالكلام ده ولا نكمل - [00:28:08](#)

فكرة يا جماعة ان المربي يعرف ان المتربي يعرف ان المربي دعا له ولو كنا امبارح اه الشيخ سمعك او المعلمة سمعتك ودعت لك دعاء جدا فتلاقيه كده حاجة في - [00:28:28](#)

سوقه ده بقى اللي منكم دارس معنا في امومة يفهم يعني ايه مفهوم التعزيز عباد رضي الله عنه من الحاجات اللي اثرت جدا فيه بقى ان هو بدأ يشاهد كل احنا اتكلمنا كده على صورة يعني ده اسمه صديق القرآن وبيخلو في اي - [00:28:45](#)

يلين مع نفسه شهد كل المشاهد كما يقول آ الامام الذهبي. يعني ايه شهد كل المشاهد؟ يعني لم يترك ابدا غزوة ولا مشهد فيه قتال للنبي صلى الله عليه وسلم - [00:29:04](#)

كان في كل منها موقف كان مع النبي. ليه؟ لان هذا الذي يليق بحامل القرآن ما قال لهم نعمة بنس انا حامل القرآن يومئذ نؤذيه من قبلي يا جماعة انا ما كونش حامل القرآن لو انا ما عرفتش انجح لكم البرنامج ده - [00:29:18](#)

انا يا جماعة ما كونش حاملة للقرآن لو انا ما عرفتش اعمل لكم الحاجة دي عشان كده يا جماعة جميل قوي ان يكون الفريق اللي حواليك كله من اهل القرآن - [00:29:35](#)

يعني اخت مصممة اخ مصمم اخت مش عارف التسويق اخ في التسويق اخت مع حافظة اخت ادارية اخت كذا لازم الفريق كله يكون

له طب القرآن ما لهمش علاقة بالقرآن ما تحوطش نفسك بالناس دي - [00:29:45](#)

ليه عشان لازم حامل القرآن يبان اثره احنا مش بنجيب ناس متميزة كده وخلاص ويلا يا جماعة ده احلى اخت مش عارف فين

واجمل اخت في القرآن واجمل اخت قصدي في التصميم واجمل اخت مش عارف ايه وافضل اخ في - [00:30:00](#)

آآ في الصوتيات وافضل لا لا هو افضل اخ في الصوتيات بعدما كان من اهل القرآن لازم يبقى حامل القرآن. يبقى اللقب رقم واحد

حامل القرآن المصمم حامي صاحبة القرآن اللي ايه مسلا مسئولة البرمجة. آآ حامل القرآن مسئول التصميم. وهكذا - [00:30:15](#)

في يوم من الايام النبي صلى الله عليه وسلم عائد من غزوة هي اسمها غزوة ذات الرقاب. نزل بالمسلمين في شعب من الشعاب عشان يناموا النبي صلى الله عليه وسلم راجع الغزوة متعبة جدا فحبوا يناموا في اماكن بين الجبال كده فنزل بهم. وده مهم اوي -

[00:30:40](#)

ان المربي ينتبه الام والاب والمعلم ينتبه للراحة الجسدية لمن حوله اه بعض الناس يقول له لا انا هنريح في المدينة. ايه يا حاج انا

رايح في المدينة ايه؟ قدامنا هنمشي كل ده احنا هنموت - [00:30:59](#)

في بعض الناس كده يكونوا في الاعتكاف يقول لا لا مش هياكلوا دلوقتي. هياكلوا ايه؟ الاولاد دول مراهقين ده هياكلونا احنا فلازم تبقى مراعي الاحتياج اللي قدامك تبقى انت مسافر مع اهلك وبتاع والاولاد خلاص تعبانين جدا ومش قادرين لا هنروح يعني هنروح.

طيب ليه ليه التعب دوت - [00:31:15](#)

ليه ترهقهم الارهاق الشديد ده محمد صلى الله عليه وسلم على طول يقول له ايه لا نزل وايه قال لهم خلاص هنام هنا وكان احد

المسلمين من المسلمين دول كان - [00:31:36](#)

اسر اه من يعني من الغنائم اللي اخدوها والاسر اللي خدوه كانوا اسروا امرأة من امرأة الياه؟ زوجة من زوجات المشركين فلما حضر

زوجها وما وجدهاش اقسام باللات والعزى ليلحقن بمحمد واصحابه والا يعود الا اذا اراق منهم دماعا - [00:31:50](#)

يقول لهم ايه هو راجل رايح من الكفار دول ما لقاش بيته وقال ايه قلب وقسم باللات والعزى ان هو ايه لازم يجيب منهم ده المهم

النبي صلى الله عليه وسلم قايل لهم ايه؟ سؤال. قال له قال للصحابه من يحرسن في ليلتنا هذه؟ احنا عاوزين ننام - [00:32:12](#)

مين بقى يحرسنا في الليلة دي شوفوا جمال المربي صلى الله عليه وسلم كيف يعرض التكليف يعرض التكليف ازاى؟ ها؟ في صورة

السؤال في صورة الترغيب. من يحرسنا؟ وشف بقى فكرة ايه؟ يحرسنا بما فيها محمد. انت هتكون - [00:32:31](#)

بتاعنا في ليلتنا هذه من فيكم يشيل الموضوع فقام اليه عباد ابن بشر وعمار ابن ياسر اهقام الي ديت عاززة كلام كتير مش كان

ممكنا يا عباد وانا مالي اما اي حد يقول يا عم احنا تعبانين والغزوة لأ احنا تعبان عاوز اريح. بيقول لك مين اللي تبقى برضو كده في

رمضان ولا في اي حاجة يقول لك مين يروح يجيب لنا كزا - [00:32:49](#)

على طول بقى تلاقي اللي بيدور على القلم اللي وقع منه واللي مش عارف بس اكلم بس مامتي بترن علي. ولازم نطلع برة اللقاء. على

طول تلاقي بها الاعازار الجميلة دي كله ايه - [00:33:17](#)

لكن النبي صلى الله عليه وسلم يقول فقام اليه اثنان عباد وعمار عباد انصاري عمار ابن ياسر من الانصار ام من المهاجرين اعمار من

المهاجرين وهزين الرجلين كانا ممن اخى بينهم النبي صلى الله عليه وسلم - [00:33:29](#)

يعني عمار لما جه النبي صلى الله عليه وسلم سكنه مع مين؟ مع عباء. فلما جم اتكلم عباد قال انا عمار كان معه فقال نحن يا رسول

الله دي بقى معنى مهم قوي - [00:33:49](#)

انك تاخذ بالك انك آآ صاحب حد في نفس اهتمامك وان يا جماعة القرب بيخلي الاهتمامات قريبة. القرب الجسدي يقرب القرب ليه؟

المفترض طبعا فشوف سبحان الله لما النبي اخى بينهم - [00:34:00](#)

وديت دي فكرة مهمة جدا فكرة البيئة المتأخية فكرة المجتمعات القريبة من بعض اللي اختارها النبي صلى الله عليه وسلم. عشان

كده اللي عاوز ينصر دين وهو بيقول لا ما لكيش دعوة بحد - [00:34:19](#)

ده واهم ده محمد اول شئ عمله قبل بداية المسجد تمت المؤاخاة وقيل بقى بدأ المسجد وبعدين المحامي المهم اللاتين مع بعض ما

فیش هزار. لازم. الموضوع ده يكون موجود - 00:34:32

فسبحان الله لما اخى النبي بينهما عندما قدم المهاجرون الى المدينة خلاص طبعوا على بعض اخزوا على غير بعض ودي بقى جمال الاخوة وجمال الصحبة. اصطفاء وتوفيق انك تنال الشرف لحراسة الصغور - 00:34:48

فلما خرج هما اتنين بقى خلاص استأذننا النبي قالوا له خلاص يا رسول الله احنا فلما خرج الى فم الشعر فراحوا كده اوي قدام خالص قال عباد لاخته عمار شوفوا الرقي بتاع عباد. بيقول له ايه؟ اي شطري الليل تؤثر ان تنام فيه اوله ام اخره. انت حابب تنام الاول ولا في الاخر؟ ها عاوز ايه - 00:35:04

انا حاسس لو انا مكان عمار بالوضع ده ايه ده هو فيه نوم في الاول وفي الاخر احنا هنام كله طبعا عادي يعني انت ليه بتقول لي كده هو انا اخونت ناوي تصحيني ولا ايه - 00:35:27

احنا هنقعد هنا اه ونرددش كده ونسند زهرنا وبتاع ولو سمعنا حاجة هنقوم يعني هو انت ناوي على ايه؟ ايه حته تنام الاول وتنم للاخر دي؟ لا احنا هنام. يعني هم كلهم نايمين واحنا اللي صاحيين. اذا كان النبي نام يا عم. ابو بكر نام. وقل له طبعا انتم - 00:35:37
ده ادوس هدت الدنيا وبتاع نام نام نام بص هنام طب ايه رأيك ادانا نتكلم شوية كده وبعد لو سرحنا اي حاجة حوالينا هتحرکنا يعني يا جماعة الناس دي ما عندهاش الكلام ده. هم يا جماعة اصل هم عارفين بعض. هم دايم بالليل هم في بيوتهم بيقيموا الليل.

فهو بيقول له يعني من الاخر يعني تحب تؤسر ايه عشان تشتغل - 00:35:52
الاول والاخر تحب تصحى فين وعمار عنده شفافية. جميل قوي انك تكون الصحبة كده. قال له بل انام في اوله. مش بقى لأ اللي انت تشوفه طب يعني انت حابب ايه؟ عارفين انتم في جماعة كده الله يهديهم - 00:36:12

تيجي تقول له تحب تاكل ايه؟ هو نفسه ياكل آآ فراخ مشوية. يعذبك بقى اه طب اللي انت شايفه؟ اه شاورما ماشي بتقول له ماشي خلاص شاورما. طب ما بلاش شاورمة اصل الناس اللي هنا دول مش اقوياء فيها - 00:36:27

يا عم الحاج انت واخدي رايح جاي ليه كده؟ ما يا ابني تقول وهو في الاخر خالص مبيت عليه على فراخ مشوية في الراجل اللي في الظهر ده. طب ما تقول يا ابن الحلال لأ لازم تيجي منك - 00:36:41

كنت ففى ناس بيستمع بيستمع وهو بيمط كلامه ما يحبس يديك الايه الموضوع بسرعة ودي بتبقى الاريحية برضه يعني مش مكسوف وبتاع سبحان الله! اذا بين بورك لهما في بيعهما بورك لهما. دي يعني حاجة اساسية - 00:36:51

الحياة فعمار قال له ايه؟ بل انام في اوله. انا عاوز انام و قال له طيب ماشي وراح نام قريب منه كان الليل ساجيا هادئا وادعا والنجم والشجر والحجر قاعد عمال تسبح بحمد الرب وتقديس له - 00:37:13

فعباد شاف الدنيا الجميلة ديا فطاقت نفسه للعبادة واشتاق قلبه ليه؟ للقرآن يعني انا فعلا كل اما افكر القصة ديت اقول طب يا جماعة انا لو مكانهم كنت اقول له بص عشان ما ننامش ايه رأيك نبان نتكلم شوية مع بعض - 00:37:34

واحكي لك بقى شوية حاجات من ابوك. انت ما شفتش ابو جهل. احكي لك انا عن ابو جهل واحكي لك على اللي بيحصل كان الوليد ابن المغيرة ده انت شفت مطعم ابن علي قبل كده كان متعب اوي والكلام ده - 00:37:50

واو يتكلموا عن الغزوة بقى والتعليق على الغزوة اللي كانوا فيها شفتوا فلان وانه خد البتاع وبرضه الاخ اللي خد مرات الاخ ده لا قال له انت بتنم وخالص يلا نام - 00:38:01

شاف الليل جميل قوي كده اشتاقت قلبه ليه؟ للشحن. ما خلاص هو واخذ على كده. التمرين ده بيهيجه. عارفين الارتباط الشرطي في خطابات شرط كده اما بيشوف المصحف بتاع جدته او مامته الله يرحمها بيروح معيط - 00:38:14

لان هو ايه؟ بيقربط المصحف ده بمامته. هو رابط هدوء الليل بالخلوة اول ما يشوف فيه هدوء ليه كده والهوا جميل والنسمات داخلة على طول بيفتكر المصلية وهو بيعيط في السجود - 00:38:27

هو عامل ربط شرطي كده غريب اول ما بيلاقى مكان هادي على طول بيستيقز عبده المعنى ده. هو ده عباد فعباد اول ما شاف اللقطة دي طاقت نفسه واشتاق قلبه للقرآن. كان احلى ما يحنو - 00:38:39

له القرآن اذا رتلته مصليا. وهو بقى عنده القرآن بقى يجيبه في الصلاة حاسب بقى فاجتمعت معه متعة في الصلاة ومتعة التلاوة وتوجه للقبلة ودخل في الصلاة وبدأ يقرأ بقى من سورة الكهف من الصوت الشديد الندية - [00:38:56](#)

ومتألق سبحانه الله من الذي كان يراه لم يكن يراه الا الرب جل وعلا ولكن يا جماعة المخلص يبلغ الله عنا ربنا ببيلغ عنه لان الاخلاص عطر سيشمه الجميع وهو قاعد بقى سابح في النور الالهي ده وغارق في اللي قالق الجميلة دي - [00:39:14](#)

اقبل الرجل اللي قاعد ايه؟ اللي حلف ده جري جري سبحانه الله يحسوا الخطي. فلما شاف عباد من بعيد وواقف قال لك بس هنا بقى محمد وده حارسهم راح مطلع القوس بتاعه وتناول سهم من الكبد وراح رامي - [00:39:44](#)

وراح للسهم جه فين رشق فيه خلاص السهم جه ناحية ايه؟ عباد احيانا الجماعة اللي بيلعبوا جيم وهو بيشيل الحديد وبتاع والسقل ده ممكن يروح واقع على رجله فتلاقيها ورمت كده شوية بس ايه متعايش - [00:40:05](#)

لو واحد ما بيلعبش الحاجات ديت ووقعت عليه ممكن يحتضر صح هو ده اللي بيحصل احنا ممكن نستغرب اوي الناس دي كده ليه؟ ده يا جماعة الراجل ده في التمرين المشهور - [00:40:25](#)

الراجل ده زي بالزبط كده الاخوات اللي بيبقى ايه بيشتغلوا عارفين البنات اللي بيبيعوا التين اللي بيبقى فيه شوك اه فعادي هي واخدة عليه كده او اللي بيعمله النحل وبتاع واخدين على ايه؟ لدغ النحل. انت بقى جاي من بلاد برة وبلاد جوة. المهم يعني ما لكش دعوة بالحاجات دي - [00:40:35](#)

فداخل بقى ايه ده عمو اه يا عمو عمو ايه في ايه بقى النحلة مالها النحلة قرصتني قرصتك اه طب واياه المشكلة مش عارف انام فتلاقيهم امال يضحكوا مع بعض يعني. هو يا ابني فيه اللي على اللي حصل؟ اصل النملة قرصتني. النملة مش كنت شوية تقول النحل. لا انا افكرت ان طلعت نملة. طلعت نملة - [00:40:51](#)

طبعا المهم عباد سهم جه في جسمه ايه اللي حصل نزعه من جسده ويعمل ايه بقى فانتزع عباد من جسده ومضى متدفقا في تلاوته غارقا في صلاته احنا النهاردة الموبايل لو عمل - [00:41:10](#)

ده اشعار ده انت بتكون يعني قاعد بتبكي في وسط لك الاشعار ده يجيبك. وفي الاخر خالص يطير وطلع حاجة تطلع صدى البلد بتقول لك نزلنا اخبار ان آآ الكوسة - [00:41:33](#)

فشفت سبحانه الله فهو احيانا تلاقي نفسك ايه بحاجة بسيطة جدا تروح خاطفاك برة المشهد فمضى في الصلاة فرماه الرجل باخر فوضعه فيه فانتزعه فرماه بسالس فانتزعوا فلما ما قدرش انجز في الصلاة وزحف حتى غدا قريبا. عارفين يعني ايه زحف - [00:41:45](#)

يعني مش قادر وايقظ وايقظه قائلا انهض فقد اسخنتني الجراح اضعفتني واوهنت قوتي. نقول له قم فقد اسخنتني الجراح ما الذي يمنعك من حماية الصغور ايه اللي مانعك؟ الام قاعدة تقول لك انهض فقد اسخنتني الجراح - [00:42:13](#)

المسلمين قاعدين يقولوا لك انهض فقد اسخنتني الجراح سنة النبي صلى الله عليه وسلم بتقول لك انهض فقد اسخنتني الجراح العلم الشرعي بيقول لك انهض وقد اسخنتني الجراح شباب المسلمين وفتيات المسلمين مش لاقيين حد يعلمهم يقول لك انهض فقد اسخنتني الجراح. عندنا جرح في العراق جرح في سوريا - [00:42:42](#)

في افغانستان في ليبيا في كل بلاد المسلمين تقريبا في جراح كده قال له انهض اول منزلة انك تفوق اصحى الحقني اول منزلة اليقظة انهض فقد اسخنتني الجراح. ايه اللي معك دلوقتي - [00:43:08](#)

ايه المهنة اللي معك عشان تقدر نقول لك انهض. معك ايه؟ معك لغة؟ معك تصميم؟ معك رسم؟ معك كزا النهاردة الواحد بيدوخ عشان يلاقي اخت مصممة تصمم كتاب اطفال تساعدنا فيه او واحدة بترسم كويس او واحد بتاع - [00:43:26](#)

والامة محتاجة حد يعمل الكلام ده انهض فقد اسخنتني الجراح اهل الاموال والصدقات. الامة بتقول لكم انهضوا فقد اسخنتني الجراح فلما رأيهم الرجل ولى هاربا هنا عمار قام مفزوع من النوم - [00:43:43](#)

فحانت التفاتة من عمار الى عباد فرأى الدماء تنزف قاعدة تنزف تنزف تنزف وتنزفيه من كزا مكان يعني واحد من هنا وواحد من هنا

ووقت فلقى ثلاث اماكن فقال له يا سبحان الله - [00:44:02](#)

هلا ايقظتني عند اول سهم رماك به يا جماعة العباد بقى قاعد يقول حسبي الله ونعم الوكيل. هو مش معنى انا اللي كنت الحارس

وابنيه معلش يعني ما هو اما كان المفترض النبي بيعت عشرة يعني - [00:44:20](#)

وكل واحد ياخذ نص ساعة. ليه احنا اتنين وناخذ الليل كله ايه الارهاق ده وكله نايم وشايف سامع شخير الشباب ما عندهم مش المعنى

ده. ولا معنى انا غلطان برضه وانا خليته هو ينام ليه؟ ما كان المفترض ده انه صاحي جنبى - [00:44:34](#)

يا جماعة الجماعة دول ما بيتوهوش في الحاجات دي عمار بيقول له ايه؟ هلا ايقظتني عند اول سهم رماك به قال عباد عاوز يقول له

كلام مقنع اقول لك ايه بقى - [00:44:52](#)

سدد الاقتراب في زمن الاغتراب هي دي كانت السبب الدنيا غريبة وكله نايم انا كنت في سجدة الاقتراب قال له كنت في سورة

اقرأها فلم احب ان اقطعها حتى افرغ منها. ربنا يبص هقول لك ايه - [00:45:06](#)

مش قادر كنت في صورة اقرأها فلم احب ان اقطع. يا جماعة ايه اللزة اللي انتم عارفينها اللي ممكن وانت فيها ما تحبش تقطعها

حاول تفكر بقى في اي حاجة - [00:45:24](#)

ولا تتخيل عباد بيشوف الحاجات دي كده تقول له بص انا كنت في حاجة مش عارف اقطعها اللهم. يا جماعة شف بيقول لك ايه

العلاقة علاقة حب. بيقول لك فلم احب مش لم ارد لم احب. مش كنت حابب اقطعها - [00:45:37](#)

ايه يا جماعة انت كنت فين يا عباد؟ هو انت بتقرأ الآية انت كنت فين؟ انت كنت بتقرأ فوق. كان في واحد من الشباب يقول لي انا اما

باسمع الغامدي بحس ان هو بيقراً في السماء الثالثة واحنا تحت - [00:45:52](#)

يعني الراجل بيقراً في السما وصوته ايه؟ ومركبين سماعة تحت على الارض. في ناس كده سبحان الله! هو برضو بيبقى عباد كده.

عباس كان بيقراً فوق وعمار كان تحت فقال كنت في صورة اقرأها فلم احب ان اقطعها حتى افرغ منها - [00:46:01](#)

وايم الله لولا خوفا من ان اضيع ثغرا امرني رسول الله صلى الله عليه وسلم بحفزه لكان قطع نفسي هب الي من ان اقطعها او من

قطعها جماعة عنده وده بقى الاتزان النفسي العجيب عندهم. شوفوا يا جماعة - [00:46:20](#)

المشاعر النفسية اللي داخل عباد. فعباد قلبه في السما بيقول لك انا ما كنتش حابب اقطع الصلاة. صح؟ ولولا ان ده ثغر النبي مديه لي

والله روعي تطلع بس قبل ما الصورة دي ما اطلع - [00:46:44](#)

طب ايه انت عاوز تربينا على ايه؟ عاوز تربينا على الخشوع؟ لا ده انا عاوز اقول لك على حاجة تانية بقى ايه هو؟ قال لك ان انا

دعوتي مقدمة على كل شيه عندي حتى اللزة - [00:46:59](#)

اصل يا شيخ اصل انا ما بصمم التصميمات دي او اما بكتب السكربت ده او اما بدخل اسمع الاخوات في مسابقة القرآن او ما بدخل

اسمع اساعد ماما في المطبخ او - [00:47:09](#)

ارتب مش عارف ايه انا قلبي بيضيع مني هو الموضوع بالقلب هو الموضوع انظر اين وجوبك الان انت فين دلوقتي المفترض تكون

واقف فين هنا عبد ما بيقولكش انا حيس اللزة انا بعبد - [00:47:19](#)

بيقول لك لو هي لزة لأ انا كنت مستمتع مش عاوز ازيد الصلاة. انا روعي تطلع وما اطلعش منها خاصة هو مقدر ان ده مش خطر على

المسلمين. ده واحد امال يلعب مناوشة يعني. هو واحد عاوز يأزي واحد وخلاص - [00:47:36](#)

وقال لك يا عم يأزي انا هكمل في حياتي. لكن لما ادرك ان خلاص هو ممكن يقبض ولو اتضرب ضربة تانية او رابعة او وخمسة ممكن

يقبض والراجل ده يتسلل فيخترق قال لك لأ هنا بقى ايه هنا تزاحمت الامور. قال لك لأ دعوتي مقدمة - [00:47:50](#)

فبدأ ايه يلغي خالص ويدوس على مشاعره اللي هي فيه في السما. فنزل نفسه من السما فوق قال لها انزلي بقى صح بقى ايه اللي

جنبك ده عشان يلحق طب ليه عملتي كده؟ انا دعوتي - [00:48:10](#)

اه مقدمة ما فيش هزار في الحاجات دي عشان كده بقى فكرة اصله هتزعل اصل ممكن تتضايق اصل مش عارف ايه اصل انا بحب

الحاجات الكلكة ديت فعباد ابن بشر ده شخصية يا جماعة - [00:48:26](#)

لازم تحبوه حب الانصار من الايمان انا عندي يقين ليست غلبة زن. يقين ان كل من حضر هذا المجلس ايمانه زاد يقين وليست غلبة

ظن ليه؟ لانهم يقينا في منكم ناس حبت عباد وطالما حبيته عباد - [00:48:40](#)

او ازددتم معرفة بي او تكون تجاه ايجابي تجاهه يبقى ايمانكم زاد. والنبى قال لنا كده. حب الانصار من الايمان فكون انكم تحبوا هذا

الرجل هيبقى ايمانكم زاد وطالما ايمانكم زاد يبقى المجلس انتهى لان ده كان هدفه. وطالما وصلنا للنقطة ديت فده كفاية خالص

يعني. فربنا يحفزكم ويبارك فيكم. ويتقبل منا ومنكم صالح الاعمال - [00:49:03](#)

ويمن علي وعليكم بحسن عمل وحسن خلق وحسن ختام - [00:49:26](#)